

" MENYAHUT SERUAN HAJI "

ٱلْحَمَدُ لِلَّهِ ٱلَّذِئَ فَرَضَ الْحَجَّ عَلَى مَنِ ٱسْتَطَاعَ إِلَيْهِ سَيلًا.

أَشْهَدُ أَنْ لَآ إِلَىهَ إِلاَ اللهُ وَحْدَهُ, لاَ شَرِيكَ لَهُ وَأَشْهَدُ أَنْ لَا شَرِيكَ لَهُ وَأَشْهَدُ أَنَ مُحَمَّدًا عَبْدُهُ, وَرَسُولُهُ. اَللَّهُمَّ صَلِّ وَاللَّهُمُّ عَلَى سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ وَاللَّهُمُّ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ وَاللَّهُمُ عَلَىٰ سَيِّدِنَا مُحَمَّدٍ وَعَلَىٰ آلِهِ وَاللَّهُمُ عَلَىٰ سَيِّدِنَا مُحَمَّدٍ وَعَلَىٰ آلِهِ وَاللَّهُ وَاللَّهُ وَاللَّهُ عَلَىٰ سَيِّدِنَا مُحَمَّدٍ وَعَلَىٰ آلِهِ وَاللَّهُ وَاللَّهُ عَلَىٰ سَيِّدِنَا مُحَمَّدٍ وَعَلَىٰ آلِهِ وَاللَّهُ وَاللَّهُ وَاللَّهُ وَاللَّهُ وَاللَّهُ وَعَلَىٰ اللَّهُ وَاللَّهُ وَاللَّهُ وَاللَّهُ وَاللَّهُ وَاللَّهُ وَاللَّهُ وَاللَّهُ وَاللَّهُ وَا اللَّهُ وَاللَّهُ وَاللّهُ وَاللَّهُ وَلَهُ اللَّهُ وَاللَّهُ وَاللَّهُ وَاللَّهُ وَاللَّهُ وَاللَّهُ وَعَلَىٰ اللَّهُ وَاللَّهُ وَاللَّالَالَالَا اللَّهُ وَاللَّهُ وَاللَّالَةُ وَاللَّهُ وَاللَّهُ وَاللَّهُ وَاللَّهُ وَاللَّهُ وَاللّ

أُمَّا بَعْدُ، فَيَآ أَيُّهَا الْمُسْلِمُونَ! اِتَّقُواْ اللَّهَ، أُوْصِيكُمْ وَإِيَّايَ بِتَقُوكَ. قَالَ اللَّهُ وَإِيَّايَ بِتَقُوكَ. قَالَ اللَّهُ اللَّهُ عَالَ اللَّهُ عَالَ اللَّهُ تَعَالَىٰ: يَنَأَيُّهَا ٱلَّذِينَ ءَامَنُواْ ٱتَّقُواْ ٱللَّهَ حَقَّ تُقَاتِهِ وَلَا تَعُالَىٰ: يَنَأَيُّهَا ٱلَّذِينَ ءَامَنُواْ ٱتَّقُواْ ٱللَّهَ حَقَّ تُقَاتِهِ وَلَا تَعُوانَ اللَّهَ عَلَىٰ اللَّهُ عَلَىٰ اللَّهُ وَأَنتُم مُسْلِمُونَ.



Sidang Jumaat Yang Dirahmati Allah,

Marilah kita tingkatkan ketaqwaan kita ke hadrat Allah SWT dengan menunaikan segala perintah-Nya dan menjauhi segala larangan-Nya. Semoga Allah SWT akan memberikan kepada kita kemudahan dan keberkatan dalam menyelusuri kehidupan di dunia dan di akhirat.

Tajuk khutbah kita pada kali ini adalah "MENYAHUT SERUAN HAJI".

Sidang Jumaat Yang Dirahmati Allah,

Pada saat ini, jutaan umat Islam sedang berkumpul di sekitar Baitullah al-Haram, Makkah, untuk memenuhi panggilan Allah, sebagaimana firman-Nya dalam surah al-Hajj ayat 27;

"Dan serukanlah umat manusia untuk mengerjakan ibadah haji, nescaya mereka akan datang ke rumah Tuhan-Mu dengan berjalan kaki, dan dengan menunggang berjenis-jenis unta kurus (kerana lamanya perjalanan), yang datangnya dari pelbagai jalan (dan ceruk rantau) yang jauh".

Haji adalah salah satu daripada rukun Islam. Ia merupakan sendisendi Islam yang terkuat. Diwajibkan sekali seumur hidup. Dengan melaksanakan ibadah haji itu, akan sempurnalah Islam seseorang dan lengkaplah agamanya.



Umat Islam datang sebagai tetamu Allah untuk menyahut seruan Allah dengan satu ikrar iaitu;

"Ya Tuhanku, aku menyahut seruan-Mu. Tiada sekutu bagi-Mu! YaTuhanku, aku menyahut seruan-Mu. Sesungguhnya segala kepujian dan nikmat bagi-Mu sahaja, dan kerajaan sebenarnya milik-Mu juga, tiada sekutu bagi-Mu (tiada Tuhan yang lain daripada-Mu)".

Membaca talbiah dengan hati yang ikhlas dan penuh khusyuk, akan mendapat berita gembira iaitu syurga Allah.

Sidang Jumaat Yang Dirahmati Allah,

Sesungguhnya ibadah dalam Islam ada yang bersifat badaniyah, iaitu ibadah yang menitikberatkan pada kekuatan fizikal seperti solat dan puasa. Ada yang bersifat qalbiyah, iaitu ibadah yang pengamalannya pada hati, seperti zikir serta ada pula ibadah yang bersifat maliyah iaitu dengan wang seperti zakat, infaq dan sedekah.

Adapun ibadah haji adalah gabungan ketiga-tiganya iaitu badaniyah, qalbiyah dan maliyah. Badan ikut melaksanakan, hati ikut berperanan dan hartapun ikut menentukan. Ketiga-tiganya merupakan satu kesatuan yang tidak boleh dipisahkan.

Kita mengucapkan setinggi-tinggi tahniah kepada mereka yang menjadi tetamu Allah pada tahun ini. Terpilih mendapat peluang ke Tanah



Suci merupakan satu nikmat dan kejayaan dalam kehidupan seseorang hamba di sisi Allah.

Ibadah haji mentarbiyyah atau mendidik seseorang itu bermujahadah dengan mengeluarkan belanja yang besar, tekad yang kuat dan azam yang mendalam. Mereka mesti rela meninggalkan tanah air, keluarga yang dicintai, kesibukan kerja yang sukar ditinggalkan, menghadapi udara terlalu panas atau sejuk, dan makan minum yang terkadang tidak sesuai dengan selera. Namun, kerana panggilan Allah, mereka tetap menempuhinya dengan tabah, sehingga dengan begitu tahap keimannya menjadi semakin kukuh dan kuat.

Sidang Jumaat Yang Dirahmati Allah,

Perjalanan ibadah haji menuntut bekalan yang cukup, dan persiapan yang sempurna. Selain daripada ilmu pengetahuan, maka perkara penting yang perlu diambil perhatian adalah seperti berikut;

Pertama

Ketika hendak melangkahkan kaki meninggalkan rumah dan kampung halaman menuju ke Tanah Suci, hendaklah dengan niat yang ikhlas kerana Allah SWT semata-mata. Niat inilah yang akan membezakan apakah seseorang yang berangkat menunaikan haji benar-benar untuk memenuhi panggilan Allah, atau sekadar pergi bersukaria. Niat menjadi dasar utama, baik dalam ibadah haji mahupun ibadah-ibadah lainnya. Jika niat dan azamnya tidak kuat, maka ibadahnya pun tidak akan sampai ke puncak kesempurnaan.

Hadis daripada Abu Hafs Umar bin al-Khattab R.A bahawa Rasulullah s.a.w. bersabda;



إِنَّمَا الأَعْمَالُ بِالنِّيَّاتِ.

"Sesungguhnya setiap perbuatan itu ditentukan dengan niatnya". (Riwayat Bukhari)

Kedua

Ketika sampai di tempat dituju, hendaklah yang memanfaatkan kesempatan itu dengan sebaik-baiknya. Pergunakanlah seberapa banyak masa untuk beribadah, memastikan rukun dan wajib dipatuhi serta berdoa di tempat-tempat yang mustajab, InsyaAllah doa akan dimakbulkan Allah. Perbanyakanlah ibadah sunat seperti tawaf, solat, iktikaf, membaca al-Quran, berzikir dan beristighfar di dalam Masjidil Haram. Ini adalah kerana satu rakaat solat di Masjidil Haram sama nilainya dengan 100,000 rakaat di masjid-masjid lainnya dan solat di masjid Nabi lebih utama daripada 1,000 rakaat di masjidmasjid lainnya.

Ketiga

Tanah Suci Mekah dikatakan seumpama taman mini akhirat. Ungkapan itu mengandungi erti bahawa ketika di sana, seseorang mesti jujur pada diri sendiri. Apabila menemui kesulitan, jangan sampai menyalahkan orang lain. Sebaliknya, hendaklah mengembalikan kesulitan yang dihadapi itu pada diri sendiri. Ia hendaklah mencari sebab kesulitan itu pada dirinya sendiri. Oleh sebab itu, setiap perkataan dan perbuatan hendaklah dijaga dan dikawal supaya tidak menyinggung perasaan orang lain.



Keempat

Ketika kita bersama-sama dengan jemaah umat Islam di sana, janganlah mempersoalkan amalan orang lain. Di sana, kita akan lihat pelbagai cara pelaksanaan amalan solat yang dilakukan berdasarkan ikutan mazhab atau aliran yang mereka anuti. Oleh itu, kita janganlah mempertikaikan perbezaan amalan yang dilakukan oleh orang-orang lain.

Kelima

Ibadah haji merupakan ibadah yang mencabar. Oleh sebab itu, orang yang hendak menunaikan haji perlu mempersiapkan diri dengan penuh kesabaran. Dalam konteks kesabaran ini ada tiga hal yang dihadapi iaitu;

- i. Sabar dalam menjalankan perintah dan ketaatan,
- ii. Sabar di dalam meninggalkan kemaksiatan dan larangan,
- iii. Sabar di kala menghadapi musibah dan cubaan.

Diperingkat awal kita akan diuji dengan mengorbankan segala kesenangan serta kegiatan biasa. Namun, hati tetap sabar tanpa rasa menyesal dan hendaklah menganggap setiap kesulitan yang dihadapi adalah sebagai sunnatullah. Duka dan gembira, susah dan senang akan silih berganti.

Sidang Jumaat Yang Dirahmati Allah,

Ibadah haji itu dapat membentuk manusia bersifat amanah, ikhlas, jujur dan bertanggungjawab serta melahirkan manusia yang tawadduk atau rendah diri dan terhindar jauh daripada sifat-sifat mazmumah (keji)



seperti takabbur, riak, sombong dan khianat. Apatahlagi di waktu menunaikan ibadah haji, tidak boleh berbuat kekacauan dan kefasikan. Hadis daripada Abu Hurairah R.A bahawa Rasulullah s.a.w. bersabda;

"Barangsiapa yang menunaikan haji kerana Allah, lalu tidak bercakap kotor dan tidak berbuat jahat, maka dia keluar daripada dosadosanya, seperti hari ketika ia dilahirkan oleh ibunya atau seperti keluar daripada perut ibunya".

(Riwayat Ahmad)

Sidang Jumaat Yang Dirahmati Allah,

Ibadah haji yang dikerjakan itu banyak mengandungi rahsia dan hikmah disebaliknya, antaranya adalah:-

1. Memakai kain ihram

Ini adalah simbol persamaan manusia di sisi Allah SWT. Tidak ada saudagar kaya-raya, tidak ada kaum bangsawan yang tinggi pangkatnya dan tidak ada pula hamba abdi yang dianggap hina. Dengan pakaian putih itu, semoga hilanglah darjat orang yang selalu



merasa dirinya tinggi, jatuhlah martabat orang yang merasa dirinya mulia, runtuhlah keangkuhan dan kesombongan seseorang.

2. Wukuf di Arafah

laitu pada 9 Zulhijjah, mengingatkan kita kepada satu peristiwa ketika dikumpulkan para makhluk di Padang Masyar pada hari kiamat, semua manusia risau dan sangat khuatir, apakah amalan yang mereka lakukan di dunia diterima atau ditolak oleh Allah SWT.

Dengan mengingati hal ini, hati pun tetap merendah diri dan sangat mengharap belas kasihan Allah SWT. Tidak seperti sesetengah umat Islam yang berbuat amal hanya sedikit, tetapi sudah berani mendakwa dirinya mendapat pahala yang besar, mereka menganggap dirinya lebih mulia daripada orang lain. Malah ada yang lebih berani dengan mendakwa dirinya pasti masuk syurga. Sikap seperti ini adalah simbol seorang manusia yang angkuh dan dikuasai dengan keangkuhan yang ditiupkan oleh iblis laknatullah.

Sidang Jumaat Yang Dirahmati Allah,

Kita mengharapkan semoga semua saudara kita yang menjadi tetamu Allah pada tahun ini akan memperoleh haji yang mabrur. Oleh itu, mereka hendaklah membetulkan niat sebelum melangkah ke Tanah Suci. Bersabar menghadapi situasi di sana. Mengambil kesempatan melakukan sebanyak mungkin amalan fardu dan sunat sepenuh masa. Pastikan diri tidak melakukan maksiat dan dosa. Segala anggota hendaklah diawasi seperti mata, mulut dan anggota badan yang lain.



Umat Islam yang melaksanakan ibadah haji secara bersungguhsungguh akan merasa sangat terharu dan rindu untuk dapat kembali lagi ke Tanah Suci, bahkan ada yang berharap dapat mati di sana.

Kepada kita yang belum menunaikan fardhu Haji, maka;

- 1. Berniat dan berazamlah untuk menunaikan fardhu Haji dengan segera.
- 2. Berusaha untuk menyimpan wang yang mencukupi dan mendaftarkan diri untuk menunaikan ibadah haji.
- 3. Berusahalah menunaikannya dalam usia yang masih muda.
- 4. Berusaha mempelajari ilmu yang berkaitan amalan haji supaya mendapat haji yang mabrur.

أَعُوذُ بِٱللَّهِ مِنَ ٱلشَّيْطَنِ ٱلرَّجِيمِ الْحَجُّ أَشَهُرُ مَّعَلُومَتُ فَمَن فَرَضَ فِيهِرِ ثَلَ ٱلْحَجُّ فَلَا الْحَجُّ أَشَهُرُ مَّعَلُومَتُ فَمَن فَرَضَ فِيهِرِ ثَلَ الْحَجِّ وَمَا تَفْعَلُواْ رَفَتَ وَلَا فَسُوقَ وَلَا جِدَالَ فِي ٱلْحَجِّ وَمَا تَفْعَلُواْ مِنْ خَيْرِيَعْلَمْهُ ٱللَّهُ وَتَزَوَّدُواْ فَإِنَ خَيْرَ ٱلزَّادِ ٱلتَّقُوى وَالَّا اللَّهُ وَتَزَوَّدُواْ فَإِنَّ خَيْرَ ٱلزَّادِ ٱلتَّقُوى وَالَّا اللَّهُ الْمُؤْمِنُ اللَّهُ الللَّهُ اللَّهُ اللَّهُ اللَّهُ اللَّهُ اللَّهُ الللللْهُ اللَّهُ اللَّهُ اللَّهُ اللَّهُ اللللْهُ اللَّهُ اللَّهُ اللَّهُ اللَّهُ الللللْهُ اللَّهُ اللللْهُ اللللَّهُ اللَّهُ اللَّهُ اللَّهُ اللَّهُ اللللْهُ اللْهُ اللَّهُ الللْهُ الللْهُ الللْهُ اللَّهُ اللَّهُ اللَّهُ الللْهُ اللَّهُ اللَّهُ اللَّهُ اللْهُ الللْهُ اللْهُ اللللْهُ الللِه



"(Masa untuk mengerjakan ibadah) haji itu ialah beberapa bulan yang dimaklumi. Oleh yang demikian, sesiapa yang telah mewajibkan dirinya (dengan niat mengerjakan) ibadah haji itu pada bulan-bulan tersebut, maka tidak boleh mencampuri isteri (bersetubuh) dan tidak boleh membuat maksiat serta tidak boleh bertengkar dalam masa mengerjakan ibadah haji. Apa jua kebaikan yang kamu kerjakan adalah diketahui oleh Allah dan berbekallah dengan secukupnya, kerana sesungguhnya sebaikbaik bekal itu ialah taqwa (memelihara diri daripada keaiban meminta sedekah); dan bertaqwalah kepada-Ku wahai orang yang berakal (yang dapat memikir serta memahaminya)".

(Al-Bagarah: 197)

بَارَكَ الله لِي وَلَكُمْ بِالْقُرْآنِ الْعَظِيْمِ، وَنَفَعَنِيْ وَإِيَّاكُمْ بِمَا فِيْهِ مِنَ الْآيَاتِ وَالذِّكْرِ الْحَكِيمِ وَالدِّكْرِ الْكَيَاتِ وَالدِّكْرِ الْحَكِيمِ وَتَقَبَّلَ مِنِيْ وَمِنْكُمْ تِلاَوَتَهُو، إِنَّهُو هُوَ السَّمِيْعُ الْعَلِيمُ.



أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلِيْ هَادَا وَأَسْتَغْفِرُ اللهَ الْعَظِيْمَ لِيْ وَالْمُسْلِمَاتِ، وَلَكُمْ وَلِسَآئِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ, هُوَ الْغَفُورُ الرَّحِيْمُ.



KHUTBAH KEDUA

الْحَمْدُلِلَّهِ الَّذِيْ جَعَلَنَا مِنَ الْمُسْلِمِيْنَ، وَرَزَقَنَا اتِ. أَشْهَدُ أَنْ لَآ إِلَه إِلَّا اللهُ وَحْدَهُ, لَا شَرِيْكَ لَهُ, وَأَشْهَدُ أَنَّ مُحَمَّدًا عَبْدُهُ, وَرَسُولُهُ. وَسَلِّمْ وَبَارِكْ عَلَىٰ سَيّدِنَا

عِبَادَ الله، إِتَّقُواْ اللَّه تَعَالَىٰ: إِنَّ ٱللَّهَ تَأَيُّا ٱلَّذِينَ ءَامَنُو



اَللَّهُمَّ صَلِّ وَسَلِّمْ عَلَىٰ سَيِّد الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيــَّاتِهِ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيــَّاتِهِ أَجْمَعِيْنَ.

اَللَّهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنيْنَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيْعٌ قَرِيْبٌ مُجِيْبُ الدَّعَوَاتِ وَيَا قَاضِيَ الْحَاجَاتِ. اَللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِيْنِ، وَنَسْأَلُكَ بأَسْمَآئِكَ الْحُسْنَىٰ وَصِفَاتِكَ الْعُظْمَىٰ أَنْ تَحْفَظَ بعَيْن عِنَايَتِكَ الرَّبَّانيَّةِ وَبحِفْظِ وقَايَتِكَ الصَّمَدَانيَّةِ، جَلاَّلَةً مَلِكِنَا الْمُعَظَّم سُلْطَان سلاَغُور، سُلْطَان شَرَفُ الدِّين ادريس شاه الحاج ابن المرحوم سُلْطَان صَلاح الدِّين عبد العزيز شاه الحاج.

اَللَّهُمَّ أَدِمِ الْعَوْنَ وَالْهِدَايَةَ وَالتَّوْفِيْقَ، وَالصِّحَّةَ وَالتَّوْفِيْقَ، وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سَلَاغُور، تَعْكُو أَمِير شَاه



إِبْنِ السُّلْطَانِ شَرَفُ الدِّينِ ادريسِ شاهِ الحاجِ فِيْ أَمْنِ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ لِلْمُوَظَّفِيْنَ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ لِلْمُوطَّفِيْنَ وَالرَّعِيَّةِ وَالْبِلَادِ، وَبلِغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang berkuasa, kami bersyukur kehadrat-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkebajikan.

Justeru, kami pohon kehadrat-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.

Ya Allah, bukakanlah hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.



Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبُ لَنَا مِنَ أُزُو جِنَا وَذُرِيَّتِنَا قُرَّةَ أَعْيُنِ وَالْجَعَلَنَا لِلْمُتَّقِينَ إِمَامًا. رَبَّنَا ءَاتِنَا فِي ٱلدُّنْيَا حَسَنَةً وَقِنَا عَذَابَ ٱلنَّارِ.

عِبَادَ اللهِ، إِنَّ ٱللهَ يَأْمُرُ بِٱلْعَدَٰلِ وَٱلْإِحْسَنِ وَإِيتَآيِ ذِي ٱلْفُحْشَآءِ وَيَنْهَىٰ عَنِ ٱلْفُحْشَآءِ وَإِيتَآيِ ذِي ٱلْفُحْشَآءِ وَالْمُنكِرِ وَٱلْبَغِي يَعِظُكُمْ لَعَلَّكُمْ تَذَكَّرُونَ وَٱلْبُغِي يَعِظُكُمْ لَعَلَّكُمْ تَذَكَّرُونَ



فَاذْكُرُواْ اللهَ الْعَظِيْمَ يَذْكُرْكُمْ وَاشْكُرُوهُ عَلَىٰ اللهَ الْعَظِيْمَ وَلَذِكُرْ كُمْ وَاشْكُرُوهُ عَلَىٰ الْعَمِهِ عَلَىٰ اللهِ عَلَمُ وَلَذِكُرُ اللهِ عَلَمُ وَلَذِكُرُ اللهِ اللهِ أَكْبَرُ وَاللَّهُ يَعْلَمُ مَا تَصْنَعُونَ.